
## BLOCHZIEHEN Kinderfasching Kinderfasching

D'LABRA 1992



Griaß enk Gott, dis linha Fließer und an Gruaß an d'fremda Leit es fröbt mi, daß so viel sei köima zam Lousna, was as z'heara geit.

Jedn Tog trog i mei Poscht aus Packtla, Briaf und Glump und Korta mancha stia schu voar dar Tir weil sie s'oft bald it darworta.

Und as döim Grund bin i meischtens ou der earschte, der darfrogt wenn uar kronk isch oder stirbt oder wenn uan öppas plogt.

Mir darzöhlt ma manchs Geheimnis: daß bald dar Exekuter kinnt daß d'Nochbarn it in Kircha geaht und wer der Vater isch vam Kind.

Miar vatraut ma n on d'Finanza schimpft übarm Pforr sei longa Preidi und im Dorf do seia gnuag mit zwoa Kinder - und no leidi.

Manchmol stisch, döis konn it wohr sein nocha hearsch: "Woll woll, gonz gwieß" und so nimmts Gerücht sein Louf wia d'Lana afm a broata Ries.

laz mecht i enk - gonz im Vartraua ou darzöhla a paar Socha di uana sein schu fascht zam Plenra ba mancha muaß i salbar locha.

A Bitt hatt i no - voar i onfong daß olla, was zam Hondkuß köima ou wenn sie si nuit schuldi wissa dia Labra nit so tragisch nöima. "Erhoulungddorf" steaht af dar Tofla wenn ma n auchafohrt af Fließ und a Stickli weiter daußa steaht a Nochtlokal - a schias.

Dois hot wohrscheindli mit darhoula it gor a so verdommt viel z`tia sinsch wischt i nit, warum die Gäscht am Huamweg oll so kniawoach gia.

Nu die Gwiesa weara wissa was ma na do drin serviert wenn nach drei, vier, fünf, sechs Biarla d'Stimmung weard gonz ungeniert.

Kaum bisch dinna, hocksch di nieder wearsch überzeugend animiert am böschta n isch, du gibsch z`erkenna daß "du' leider bisch kastriert.

Am negschta Tog - nou blau und kremmi tias die meischta sakrisch ruia va dött on mocha sie an Bouga um dia Nochtlokal, dia nuia.

Sönna n Obat gia ins Gald ou wenn a voarhosch lei zam Schauga ob dia leichtbeschürzta Dama var Figur hea öppas tauga.

Beasa Zunga lossa wissa daß uar a Johreskorta hei döis konn i jo foscht salt it glouba sall weart woll gwieß darlouga sei! Am Silberplon do wohnt a Mannli salber isch ar Musikont Madla hot ar x- beliebig uana n isch schu fesch banond.

Dois rett si umcha klarerweis d'Vereahrer bleiba do nit aus uar darvon isch gonz verwöga auchagschlicha za dem Haus.

S Fenschtarla hatt ar kött im Sinn und weils scho schpat isch und schia nocht hot ar gmuant - es siecht'n eh kuar und d'Rechni ohna Haushear gmocht.

Denn af uamol kinnt darselbe in dar longa n Untergatti s Madli schreit: "Vermaladeit hau schnell o, iaz kinnt dar Tati".

A Hetzjagd geits, wia im a Krimi über Stiaga, Stock und Stuan "Flucht" – denkt drau der Bus "isch `s beschte" und saust ocha n übarn Ruan.

Fuxteiflswild will iaz dar Voter hintanoch dem schnella Wicht bis ar in da Roasastauda drinflockt mit seim Orsch und Gsicht.

Seitdöm nimmt ar döis zar Kenntnis wenn ar 's ou it tuat grod geara daß im Löba d'junga Buaba uafoch za da Madla keara.

Ma söit, daß er im Oug no olli an Mordsdrum Roasadeara hei döis konn i jo foscht salt it glouba sall weart woll gwieß darlouga sei. Gesetze sei oft kompliziert a Laie konn sa kaum verschtian obar mancha hella Köpfla tia sa geara hintergian.

I denk darbei an sönna Bauta dia kua Genehmigung it hoba als simpler Bürger tat ma muana döna geaht 's iaz glei on Kroga.

Weit hosch g`fahlt - sall sog i enk denn i woaß a so an Fall in dar Nöich var Borbra - Kircha wo ma n ocha siecht ins Tal.

A saubra Hitta n isch entstonda an Paloscht – mecht i foscht soga und obwohl 's mim Plan it zompaßt mochts da Bauhear it varzoga.

D `Behörda meldat mit am Schreiba daß sie mancha n Einwänd hei daß der Bau viel z`long und z `hoach und keinesfolls bewilligt sei.

An Obbruch wölla sie darzwinga a n Exempl statuiera und wenns Mannli Maisla mocht will man uafoch delogiera.

Berufung löit ar in und wortat wochalong geaht 's hin und hea nach longer Zeit do stell i föscht daß olls no isch as win amea.

Wundra tat mi scho, wer nochgeit ob d'erwortat Strof no kinnt oder ob des Omtes Schimmel si d'Zänd ausbeißt am stura Grint Im Johr 2000 wears no heacher
um uan, zwoa Stöckla n oder drei
döis konn i jo foscht salt it glomba
sall weart woll gwieß darlouga sei!

A Dorf wia 's insar ohna Poschta war friar it zam Denka gwösa denn friar hei olls grafft und gsoffa steaht im Protokoll zam Lösa.

Und gwildarat sei ou viel gwoara und ob und zua a bissli gstouhla wenn mancha d'Sperrstund übertreta hot ma miaßa d'Schandi houla.

Gonz wichti wor ou dia Präsenz af da Stroßa n in dar Nocht daß jo kuar noch am a Föschtla öppa nou a Spritzfohrt mocht.

Obar in da löschta Johra isch as bis af Wien durchdrunga daß dia Fließar gonz okay sein it lei d'Olta - ou dia Junga.

Laut Statistik wors ersichtli daß der Poschta n augleast keart weil in Fließ - ma tat 's it glouba scho long, long nuit mia folsch gmocht weart.

Döis wor das Ende einer Ära viela hoba zearsch no pleart obar laut dar löschta n Umfrog kenn i kuan mia, den s no schteart.

Seitdöm konn ma tia und lossa raffa, steahla wia ma will außer ma entdeckt den Schandi der oft aupaßt in Zivil.

Daß der lei - wia mancha soga weg da Fremda köim varbei döis konn i jo foscht salt it glouba sall weart woll gwieß darlouga sein. Viel Vereine geits ha n ins und ma söll sa n unterstitza weil sie jeds Johr viel, viel Stunda für die Allgemeinheit schwitza.

Drum lob an dear Stell i gonz baunders oll, wou do beteiligt sein ba Beargwocht, Kiarchacher und Schitzn odar bam Musikverein.

Ou d'Fuirwehr mecht i do erwähna und olla Sportler it vergössa dia si - gleich wia 's ausgia kannt oft mit ondra Gegner messa.

Bam Fuaßboll geits sogar Altheara dia no föscht da Bolla tretta und wia 's Brauch isch - voar m Spiel schnell a Faßli Bier no wetta.

Wompat sei si oll zom fort af Ibiza ins Trainingsloger und nach der so schwara Wocha auszeahrt gwöst und furchtbor moger.

Freili muaß ma do varstian daß tägli soufl Trainingsstunda manchmol mit - und ohna Bolla ou da Böschta niedergwunda.

Zunga hei ma n ocha kängt und z'moargaz d'Ouga n außa gstellt und zam Hunger, Durscht und Streß hei si 's Huamweah zuacha gsellt.

It umasinsch sei si blamabl bam Obschluß-Spiel sou untergonga und hoba si var Niederlog wochalong bold it darfonga. Kuar mecht va döina noumol oucha weil ma 's dahuam viel schiauder he döis konn i jo foscht salt it gloub sall weart woll gwieß darlongs sein Der Schiklub hot a schiana Hitta nf m Venet - ohne Zweifl wo ma zuakeart, übernochtet und ou sauft as wia der Teifl

Ba sönna kluana Hitta-Zauber geaht 's manchmol wirkli sportli zua earsch wenn z'moargaz d'Sunna n augeaht geit der Lötschte ou a Ruah.

D'nui Wosserleiti wor zam Feira und ba sönna triftga Grind kinnt uam im Verlouf des Föschtes manchmol ou an Blödsinn zind.

Ma siecht, daß uar scho seali ruaßlat und schnarchlat af dar Oufa-Bonk ma holt a Strickli, bintat d'Fiaß zom und der merkt 's it - Gott sei Donk.

Ma noglat no sein Wöisli on daß ar jo it ocha fallt jeder wortet, bis ar auwacht sönna Schmäh sein gonz uralt.

Irgatwenn do weart er munter und er streckt scho die Gebeine rieblat d'Ouga und steaht auf merkt döin Tuck it - den gemeina.

Am Bouda flockt er - d'Rippa kröckt und er lott an Schroa, an lauta glei darnoch fohrt unter Schmearza tolwearts er im Rettungsauta.

A Wocha schpater schlöit döis Schicksol obarmols bam gleicha zua bam Holz - introga rutscht er aus wieder hot sei Ripp kun Runh. Mei, sall isch as a Maleer daß grod ihm döis muaß passiera zwoamol hintranond bam Doktar tuat er si scho foscht geniera.

Obar wias im Löiba geaht
's Unglück nimmt holt seinen Lauf
und 's dritte Mol im gleicha Johr
passiert 's ihm a paac Wocha drauf.

Er wöidlat - wias holt d'Schilear tia Ubarn Schi-Hong in Serfaus plötzli fluigt er kapital mit Bewögi isch iaz aus.

Wer viel Pech hot, hot nuit z'locha denn es folgt no Spott und Hohn jeder, der ihn trifft, der hoaßt 'n da n Unglücks-Vogl der Nation.

Daß er darnoch mit zwoa Milliona seina Ripp varsichrat hei döis konn i jo foscht salt it glouba sall weart woll gwieß darlouga sei! An Jager hockt im Bergland douba gmiatli isch as in der Runda obwohl er long schua huam giah sött hot er nou kua Gniaga gfunda.

Wia er endli huamwearts zottlat flockt ar kurz af 's Kanapee und akkrat verschloft ar z'moargaz d'Nocht wor kurz, ma woaß es eh.

Trotzdem pockt ar flingg sei Bixa löit si 's Jagar-Gwandli on kurz darnoch - es isch holb simmna schleicht ar si in Wold darvon.

Und va n iaz on hot ar Glück sou a Sau tia `s selta göiba denn er schiaßt da schianschta Spielhou den ar gsöicha hot im Löiba.

A n ondars Mol - i röid vam Gleicha leit ar miad bam Boumstumpf zuacha do follam d'Öigla longsom zu und er troumt va Wein und Kuacha.

Af uamol knackts im Unterholz weil an Reachbook kinnt durcho an Hupf vam Jager - und an Schuß und der Bock leit voar 'm do.

Daß d'Altersschwäch und gor it Kugla dem Bock sei Liacht ausblosa hei döis konn i jo foscht salt it glouba sall weart woll gwieß darlouga sei. A junga Frau im Esslgorta isch wög dar Orbat gor it do do lodat huali mit seir Raupa uar an Stua im Gorta n o.

An Koloß - i hon an gsöicha ratli mit a zwoa Kubik scho rätslat olls, zawos der guat isch und muschtart ihn mit Kennerblick.

Der Lieferant locht si ins Feischtli stellt an Lieferschein no aus döin am glei uar unterzeichnat und varlott darauf döis Haus.

Dia Frau isch baff, wia sie döis siecht "Ma konns it z`weit mit mir so treiba A sou a Frechheit - und der Stua konn it im Gorta liega bleiba".

Iaz earsch hoba n olla gwißt daß sie dia Fuahr jo gor it bschtellt und daß an Witzbold ihr döin Klachl nu aus Hetz in Bongart gstellt.

Daß dia Frau döin Riesa - Wogga eigahändi zomdruckt hei döis konn i jo foscht salt it glouba sall weart woll gwieß darlouga sei!